



припремила: Memesa 01

Broj: UP1-03-07-3-19-13/16

Datum: 28.02.2017. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji (Javna nabavka usluga otvorenim postupkom za implementaciju projekta „Razvoj elektronskih obuka za potrebe državne službe/uprave u BiH“); broj: 05-14-3-24-5/17 od 15.02.2017. godine i Odluke o davanju saglasnosti na prijedlog Odluke o dodjeli ugovora za nabavku usluga za implementaciju projekta „Razvoj elektronskih obuka za potrebe državne službe/uprave u BiH“ broj: 05-14-3-24-6/17 od 15.02.2017. godine, Koordinator za reformu javne uprave u BiH donosi

### ODLUKU

#### o dodjeli ugovora za nabavku usluga za implementaciju projekta „Razvoj elektronskih obuka za potrebe državne službe/uprave u BiH“

#### Član 1.

Ugovor za implementaciju projekta „Razvoj elektronskih obuka za potrebe državne službe/uprave u BiH“ dodjeljuje se ponuđaču - grupi ponuđača „Commerce Engineering d.o.o., ul. Alajbegovića br. 3, 88 000 Mostar i Uma muller Group d.o.o., ul. Edhema Mulabdića br. 2, 71 000 Sarajevo“, a po prihvaćenoj ponudi ponuđača br: UP1-03-07-3-19-5/16 od 27.12.2016.godine, po provedenom otvorenom postupku javne nabavke.

#### Član 2.

Ugovor za implementaciju projekta „Razvoj elektronskih obuka za potrebe državne službe/uprave u BiH“ zaključit će se po cijeni prihvaćenoj u ponudi ponuđača i to: 415.490,40 sa PDV-om.

#### Član 3.

Ova Odluka stupa na snagu na danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.



## Obrazloženje

Ured koordinatora za reformu javne uprave pokrenuo je otvoreni postupak javne nabavke usluga za implementaciju projekta „Razvoj elektronskih obuka za potrebe državne službe/uprave u BiH“ i to Odlukom o pokretanju postupka javne nabavke usluga za implementaciju projekta „Razvoj elektronskih obuka za potrebe državne službe/uprave u BiH“ UP1-03-07-3-19-2/16 od 04.11.2016.godine. Obavještenje o javnoj nabavci objavljeno je na portalu javnih nabavki broj: 1438-1-2-23-3-14/16 od 7.11.2016. godine. Također informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, web stranici akta.ba, ccppei.ba i briefing.ba.

Ured koordinatora za reformu javne uprave do krajnjeg roka za prijem ponuda tj. do 27.12.2016. godine do 13:00 sati zaprimio je tri ponude i to:

1. Ponuda ponuđača – grupe ponuđača „Commerce Engineering d.o.o., ul. Alajbegovića br. 3, 88 000 Mostar i Uma muller Group d.o.o., ul. Edhema Mulabdića br. 2, 71 000 Sarajevo“, ponuda zaprimljena dana 27.12.2016. godine u 12.37 sati.
2. Ponuda ponuđača – grupe ponuđača „Net-pro d.o.o. Brčko, ul. Kantardžića br.8, 76 100 Brčko i Akademika d.o.o. ul. Branilaca Sarajevo br.20, 71 000 Sarajevo“ ponuda zaprimljena dana 27.12.2016. godine u 12.42 sati.
3. Ponuda ponuđača – grupe ponuđača „Idego d.o.o. Sarajevo, ul. Dajanli Ibrahimbege br. 8, 71 000 Sarajevo i Lanaco d.o.o. Banja Luka, ul. Veljka Mladenovića bb, 78 000 Banja Luka“, ponuda zaprimljena dana 27.12.2016. godine u 12.45 sati.

Javno otvaranje ponuda je održano 27.12.2016. godine u 13:15 sati.

Komisija za javne nabavke izvršila je pregled i ocjenu pristiglih ponuda i utvrdila slijedeće:

Ponuda ponuđača - grupe ponuđača „Commerce Engineering d.o.o. i Uma muller Group d.o.o.“ pod rednim brojem 1:

- U ponudi navedenog ponuđača za predloženog ključnog eksperta 3. dostavljen je dokument koji je izdala Teza centar za obuku, u kojem se navodi da je Ognjen Bjelica sa uspjehom prošao program obuke Adobe Captive – napredni programer, od 07.10.2016. godine. Naime, tenderskom dokumentacijom i to tačkom 7.4.2. a) 1.3.2., a u skladu sa projektnim zadatkom, je traženo slijedeće: „Ovjerena fotokopija dokaza o pohađanju i certifikaciji znanja za korištenje Moodle LMS-a (MCCC – Moodle Course Creator Certificate ili uporedivo).“ Kako bi Komisija pravilno mogla ocijeniti dostavljeni dokument, navedenom ponuđaču je u skladu sa članom 68. stav (3) Zakona o javnim nabavkama BiH i tačkom 9.3. tenderske dokumentacije upućen zahtjev za pojašnjenje. U zahtjevu za pojašnjenje je, između ostalog navedeno, da je pojašnjenje potrebno u smislu kako je navedeni dokument dokaz za korištenje Moodle LMS-a ili uporedivo. Ponuđač je u zakonskom roku dostavio traženo pojašnjenje u kojem je, između ostalog, navedeno da „Navedeni certifikat, podrazumjeva potpuni program obuke za rad na Learning Management sistemima i podržava rad na različitim LMS platformama, među kojima je i Moodle LMS platforma.“ Nakon dostavljenog pojašnjenja, **Komisija je konstatovala da ponuda navedenog ponuđača – grupe ponuđača ispunjava sve uslove utvrđene u tenderskoj dokumentaciji.**

Ponuda ponuđača – grupe ponuđača „Net-pro d.o.o. Brčko, i Akademika d.o.o.“ pod rednim brojem 2:

- U ponudi navedenog ponuđača za predloženog ključnog eksperta 2 je dostavljena Potvrda, URBROJ: 251-378-06/15/549 od 26.10.2015. godine, izdata od Sveučilišta u Zagrebu, Učiteljski fakultet u Zagrebu. Tenderskom dokumentacijom i to tačkom 7.4.2. a) 1.2.1., a u skladu sa projektnim zadatkom je traženo slijedeće: „Ovjerena fotokopija univerzitetske diplome (minimalno 240 ETCS, odnosno VII stepen stručne spreme po pred-Bolonjskom sistemu studiranja).“ Obzirom da je tenderskom dokumentacijom isključivo tražena ovjerena fotokopija univezitetske diplome, dostavljena Potvrda ne može biti dokaz za ispunjavanje traženog uslova, te je iz navedenog razloga **ponuda ponuđača - grupe ponuđača „Net-pro d.o.o. Brčko, i Akademika d.o.o.“ neprihvatljiva.**

Ponuda ponuđača – grupe ponuđača „Idego d.o.o. Sarajevo, i Lanaco d.o.o. Banja Luka“ pod rednim brojem 3:

- U ponudi navedenog ponuđača za predloženog ključnog eksperta 1 je dostavljena Potvrda o saradnji, broj: 07.034/058-196-2/16 od 16.12.2016. godine, Izjava, broj: 04.4/052-8882/16 od 15.12.2015. godine, Izjava, broj: 6232/16 od 16.12.2016. godine, Izjava, broj: 07-840-143/16 od 20.12.2016. godine i Izjava, broj: 02-471/2016 od 15.12.2016. godine, u cilju dokazivanja uslova traženog tenderskom dokumentacijom i to tačkom 7.4.2. a) 1.1.4. , a u skladu sa projektnim zadatkom, koji glasi: „Ovjerena fotokopija odgovarajućih dokaza o posjedovanju najmanje 5 godina profesionalnog iskustva stečenog u oblasti realizacije edukacijskih programa i drugih aktivnosti razvoja ljudskih resursa (uvjerenja, potvrde, ugovori ili druge reference).“ Međutim iz dostavljenih dokaza je utvrđeno da predloženi ključni ekspert 1 nema 5 godina profesionalnog iskustva, obzirom da je utvrđeno da dostavljeno iskustvo po projektima se preklapa, te se kao takvo ne može smatrati dokazom za ispunjenje traženog uslova.
- U ponudi navedenog ponuđača za predloženog ključnog eksperta 3 je dostavljen certifikat na str.126 ponude na engleskom jeziku, koji nije preveden. Naime, tenderskom dokumentacijom i to tačkom 8.1.2. je traženo slijedeće: „Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu.“ Nadalje tenderskom dokumentacijom i to tačkom 1.8.3. je navedeno i: „Pod zvaničnim prevodom se smatra prevod ovjeren od strane sudskog prevodioca.“ Takođe, članom 12. stav (3) Zakona o javnim nabavakama je propisano slijedeće: „Ponuđač podnosi ponudu na jednom od jezika u službenoj upotrebi u Bosni i Hercegovini.“ Iz navedenog razloga dostavljeni certifikat ne ispunjava traženi uslov utvrđen u tenderskoj dokumentaciji jer isti nije preveden na jedan od jezika u službenoj upotrebi u BiH. Nadalje, na stranici 127. ponude je dostavljena je Potvrda o autentičnosti MCCC certifikata, broj: 12/16-334 od 27.12.2016. godine, u kojoj je se navodi da nije moguće pribaviti original koji uključuje potpis i pečat, te je to objašnjenje komisija prihvatila ali samo u odnosu na potpis i pečat koji je zahtjevan za svaki dokument u ponudi.
- U ponudi navedenog ponuđača za predloženog ključnog eksperta 4 je dostavljena Potvrda o saradnji, broj: 07.034/058-196-1/16 od 16.12.2016. godine, Izjava, broj: I-04-8945/16 od 19.12.2016. godine, i Izjava, u cilju dokazivanja uslova traženog tenderskom

